

# Alkitab Buat Bocah

## Nampilin

# Kelahirannyé Yesus



Nyeng nulis: Edward Hughes

Nyeng bikin gambar: M. Maillot  
Alastair Paterson

Nyeng nyocokin: E. Frischbutter; Sarah S.

Nyeng terjemahin: [www.christian-translation.com](http://www.christian-translation.com)

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Dulu banget, Tuhan ngirim malaikat Gabriel kepada gadis Yahudi namenyé Maria. Dié dibilangin, "Enté bakal punye seorang anak laki dan kasi name dié Yesus. Dié bakal dipanggil Putra

nyang Tertinggi. Dié bakal merintah selamanyé."



"Gimané caranyé?" gadis nyang kaget ntu bertanyé. "Ayé kaga pernah amé lelaki manapun." Sang malaikat bilang ke Maria bahwa bocah tersebut datengnyé dari Tuhan. Kaga bakal punyé ayah dari seorang manusia.



Terus malaikat ngomong ke Maria bahwa sepupunyé Elizabeth mengandung bayi di usianyé nyang udeh bangkotan. Ini adalah mukjizat, juga. Segera setelahnyé, Maria pegi ngunjungi Elizabeth.



Mereka memuji Tuhan bebarengan.



Maria udeh bertunangan  
buat kawin amé seorang  
laki namenyé Yusuf.  
Yusuf sedih pas dié  
tahu bahwasannyé  
Maria bakal  
ngelahirin  
seorang bayi.  
Dié pikir lelaki  
lainlah bapaknyé  
bayi tersebut.



Didalem mimpi, Malaikat Tuhan ngomong ke Yusup bahwasannyé ni anak Anaknyé Tuhan. Yusup bakal nolongin Maria buat ngurusin Yesus.



Yusup percaya amé matuhin Tuhan. Dié juga  
matuhin peraturan di negaranyé. Dikarnakan  
peraturan nyang baru,  
dié amé Maria pegi  
ke kampungnyé,  
Betlehem,



buat ngebayar pajak mereka.





Maria udeh siap buat  
ngelahirin. Tapi Yusup  
Kaga bisé dapetin  
kamar dimané-mané.  
Semua penginapan  
udeh penuh.



Yusuf akhirnyé nemuin sebuah kandang kuda.  
Disono, Bayi Yesus lahir. Emaknyé  
geletak dié didalem palungan,  
sebuah tempat dimané  
pakan ternak  
biasényé  
disimpen.



Kaga jauh dari situ, ada para gembala nyang lagi ngejaga kawanannyé. Malaikat Tuhan muncul trus ngasitahu mereka

kabar  
baé.



"Disono udeh lahir buat kalian ni hari di kota Daud sang Penyelamet Dié adalah Kristus sang Allah. Enté bakal nemuin Bayi tiduran didalem palung."



Tetiba, seabreg cahaya malaikat laen muncul, nyembah Tuhan amé ngomong.

"Puji Tuhan ditempat nyang tertinggi



dikedamaian  
bumi, kebaekan  
buat umat."





Para gembala buru-buru paranin ntu kandang. Abis ngeliat sang Bayi, mereka ngasitau kesemua orang nyang mereka temuin tentang apé nyang udeh dikasitau malaikat tentang Yesus.



Empat puluh hari kemudian,  
Yusuf amé Maria ngebawa  
Yesus ke Kuil di Yerusalem.

Disono adé seorang pria  
namanyé Simon memuji  
Tuhan atas Bayinyé,

sementara  
si tua Anna,  
pelayan  
Tuhan nyang  
lainnyé,  
memberikan  
ucapan  
terimé  
kasih.



Keduanyaé tau kalo  
Yesus ntu Anak Tuhan,  
Sang Penyelamat  
nyang dijanjikan.  
Yusuf ngorbanin dua  
burung. Ini udeh  
peraturan sebuah  
persembahan  
Tuhan nyang katé  
orang miskin kudu  
bawa pas mereka  
memperssembahkan  
bayi nyang baru  
brojol ke Tuhan.





Beberapé lamé  
kemudian, adé  
sebuah cahaya  
bintang nyang  
nuntun Pria  
Bijaksané


dari negara Timur  
ke Yerusalem. "Dimana  
Dia bocah nyang udeh lahir  
Rajanyé orang Yahudi?"  
Mereka pada nanya "Kité  
pengen nyembah Dié".





Raja Herodes ngedenger tentang si Pria Bijak ni. Ngerasa keganggu, dié minta mereka buat ngasi tau dié kalo mereka udeh nemuin Yesus. "Ayé pengen nyembah Dié, juga," Herodes bilang. Tapi dié ngibul. Herodes pengen ngabisin nyawa Yesus.



Cahaya bintang nuntun si Orang  
Bijak ni tepat kerumé dimané Maria  
amé Yusuf tinggal amé seorang  
Bocah. Berlutut sembari  
nyembah, si musafir ngasih  
Yesus hadiah nyang mahal  
kayak emas  
amé parfum.



Tuhan peringatin si Orang Bijak ni biar baliknyé diem - diem. Herodes ngamuk. Niatan ngancurin Yesus, si penguasa jahat ngebunuh semua bayi laki - laki di Bethlehem.



Tapi Herodes gak bisé nyakitin anak Tuhan! Diperingatin pake mimpi, Yusuf ngebawa Maria amé Yesus ke tempat aman di Mesir.



Pas Herodes mati  
Yusuf bawa Maria  
amé Yesus balik  
dari Mesir.



Mereka hidup di  
kota kecil di Nazareth,  
deketan amé laut Galilea.



# Kelahirannyé Yesus

Sebuah cerita dari perkataannya Tuhan, Alkitab


Ditemuin di

Matius 1-2, Lukas 1-2


"Palang pintu Firman Engkau ngasih terang."

Mazmur 119:130





36



60





Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

